

Ўзбекистон Республикаси Агросаноат мажмуи ва озиқ-овқат таъминоти соҳасидаги лойиҳаларни амалга ошириш агентлиги

I. Амалга оширилган ишлар.

Агросаноат Агентлиги томонидан бугунги кунга қадар чорвачилик тармоғи соҳасида **Жаҳон банки ва Халқаро қишлоқ хўжалигини ривожлантириш жамғармасининг** маблағлари иштирокида умумий қиймати **234,08 млн долларлик 4 та** лойиҳа амалга оширилаётган бўлиб, улар доирасида **160 млн 840 минг долларлик** кредит маблағлар ўзлаштирилди. Шу жумладан:

- Жаҳон банки иштирокидаги умумий кредит қиймати **150 млн доллар** бўлган “Ўзбекистон Республикасида чорвачилик тармоғини ривожлантириш” лойиҳаси доирасида **133,98 млн доллар**;

- Жаҳон банки иштирокидаги умумий кредит қиймати **14 млн долл** бўлган “Орол денгизи минтақасида иқлим ўзгаришига мослашиш ва унинг оқибатларини юмшатиш дастури” лойиҳаси доирасида **12 млн 980 минг доллар**;

- Халқаро қишлоқ хўжалигини ривожлантириш жамғармаси иштирокидаги умумий кредит қиймати **23 млн 880 минг доллар** бўлган “Ўзбекистоннинг сутчилик соҳасида қўшилган қиймат занжирини ривожлантириш” лойиҳаси доирасида **13 млн доллар**;

- Халқаро қишлоқ хўжалигини ривожлантириш жамғармаси иштирокидаги умумий кредит қиймати **46 млн 200 минг доллар** бўлган “Қишлоқ хўжалигини диверсификация ва модернизация қилиш” лойиҳаси доирасида **860 минг доллари ўзлаштирилди**;

Бунинг натижасида **6 961 нафар доимий ишчи** ўринлари яратилган.

Шу билан бирга чорвачилик тармоғида:

- **487 та лойиҳа доирасида 61 951 бош** қорамол;
- **51 та лойиҳа доирасида 151 605 тонна** сут маҳсулотларини қайта ишлаш;
- **35 та лойиҳа доирасида 2,588 минг** бош паррандага мўлжалланган комплекслар;
- **3 та лойиҳа доирасида 780 тонна** балиқ етиштириш;
- **121 та лойиҳа доирасида 311 дона** қишлоқ хўжалиги техникаси харид қилинган.

Бугунги кунда Агросаноат Агентлиги томонидан чорвачилик йўналишидаги **4 та** лойиҳа доирасида **481,7 млн доллар** имтиёзли кредит маблағларини жалб этиш кўзда тутилмоқда, жумладан:

– “Чорвачилик соҳасининг қўшилган қиймат занжирини ривожлантириш” лойиҳасини амалга ошириш учун **Осиё тараққиёт банкидан 150,0 млн. доллар** кредит жалб қилиш (*бузун қарз келишуви имзоланади*);

- “Ўзбекистонда чорвачилик тармоғини ривожлантириш” лойиҳасини амалга ошириш учун **Франция тараққиёт агентлигидан (ФАР) 165,5 млн доллар** жалб қилиш;

- “Қорамол озуқасини тижорийлаштириш” лойиҳасини амалга ошириш учун **Осиё тараққиёт банкидан 120,0 млн. доллар** кредит жалб қилиш;

- “Қишлоқ хўжалигини диверсификация ва модернизация қилиш (2 транш)” лойиҳасини амалга ошириш учун **Халқаро қишлоқ хўжалигини ривожлантириш жамғармасидан 46,2 млн доллар** маблағларини жалб қилиш режалаштирилган.

Бундан ташқари Ўзбекистон Республикаси Президентининг 2019 йил 19 июлдаги ПҚ-4399-сонли қарорига мувофиқ қиймати **200,0 млн доллар**ни ташкил этувчи “**Фарғона водийсида қишлоқ тадбиркорлигини ривожлантириш**” лойиҳаси амалга оширилаётган бўлиб, ушбу лойиҳа доирасида ҳам чорвачилик йўналишини молиялаштириш кўзда тутилган.

Агросаноат Агентлиги томонидан 2018 - 2019 йиллар давомида Халқаро молия ташкилотлари иштирокидаги лойиҳалар доирасида **16 910** нафар қишлоқ хўжалиги корхоналари раҳбарлари ва мутахассисларига илмий семинар тренинглари ўтказилган.